

KERATAN AKHBAR



SURAT KHABAR	:	HARIAN METRO			
TARIKH	:	25/12/2019	MUKA SURAT	:	11
JABATAN	:	PERHILITAN			
KLASIFIKASI	:	PERHATIAN			

Dua lelaki ditahan gagal tunjuk surat burung

IpoH: Dua lelaki ditahan Jabatan Perlindungan Hidupan Liar dan Taman Negara (Perhilitan) Perak selepas didapati memiliki 61 burung memabitkan tiga spesies terhidung dalam serbuan di sekitar Manjoi, kelmarin.

Serbuan dilakukan di dua rumah berasingan bermula jam 1 tengah hari dengan serbuan pertama di Jalan Tahlapi Kampung Tengku Hussein memabitkan tangkapan lelaki tempatan berusia 43 tahun.

Pengarah Perhilitan Perak, Yusoff Shariff berkata, dalam serbuan pertama itu pihaknya merampas 24 burung serindit, 11 burung bayan puling dan seekor bayan nuri (*long tailed parakeet*).
 “Pemilik premis yang di-

serbu itu mengaku hidupan liar terbahit miliknya dan gagal mengemukakan sebarang dokumen pemilikan daripada Perhilitan.

“Seterusnya pihak kami menyerbu sebuah rumah lain di Jalan Bunga Kampung Tengku Hussein yang hasil pemeriksaan menemui 19 burung serindit dan enam burung bayan puling,” katanya ketika ditemui di pejabatnya, semalam.

Menurutnya, hasil pemeriksaan mendapati pemilik premis lelaki tempatan berusia 40 tahun mengakui memiliki hidupan liar terbahit, namun gagal mengemukakan sebarang dokumen pemilikan yang sah.
 “Kedua-dua lelaki terbahit kemudian dibawa ke Balai



Pemilik premis yang diserbu itu mengaku hidupan liar terbahit miliknya dan gagal mengemukakan sebarang dokumen pemilikan daripada Perhilitan”

Yusoff Shariff

Polis Manjoi dan laporan polis dibuat mengenai tangkapan berkenaan sebelum dibebaskan dengan jaminan polis jam 9 malam tadi (kelmarin).
 “Secara keseluruhan seba-

nyak 61 burung memabitkan tiga spesies terhidung dirampas selain 30 sangkar dan lima unit jebak atau perangkap turut disita untuk siasatan lanjut,” katanya.
 Yusoff berkata, kes berke-

naan diasiasat mengikut Seksyen 60 (1)(a) Akta Pemuliharaan Hidupan Liar 2010 yang jika sabit kesalahan boleh didenda maksimum RM50,000 atau penjara tidak lebih dua tahun atau kedua-duanya.

Ia turut diasiasat mengikut Seksyen 68 (1)(a) akta sama yang sabit kesalahan boleh didenda maksimum RM100,000 atau penjara tidak lebih tiga tahun atau kedua-duanya.

“Tangkapan itu juga hasil Operasi Bersepadu Khazanah yang mula dilancarkan pada 3 September lalu.

“Perhilitan Perak menyeru semua pihak bekerjasama dengan kerajaan untuk menyelamatkan hidupan liar atau khazanah negara ini daripada ancaman kepupusan,” katanya.



BURUNG bayan nuri antara tiga spesies yang dilindungi.



YUSOFF (kiri) menunjukkan burung yang dirampas.